



NEWSLETTER BR. 44

OKTOBAR 2018

SADRŽAJ

FIPA AKTIVNOSTI ≡

- » FIPA na konferenciji RENEXPO
- » Delegacija privrednika iz Italije posjetila FIPA-u
- » Njemačka na 7 poziciji po investicijama u BiH
- » Novoimenovani ambasador BiH u Danskoj posjetio FIPA-u
- » Intenzivirati investicije preko počasnih konzula
- » FIPA na konferenciji "Konkurentnosti regionalnog tržišta, značaj statistike i inovacija"
- » Novoimenovani ambasador Katara u BiH posjetio FIPA-u
- » FIPA učestvovala na sastanku kopredsjedavajućih Zajedničke komisije za trgovinu i ekonomsku saradnju između Bosne i Hercegovine i Narodne Republike Kine


FIPA POSLOVNE VIJESTI ≡

- » Nove investicije u živinicama
- » Teleperformance otvara radna mjesta
- » Watrex Expo – 4. Međunarodna konferencija i sajam tehnologija za preradu vode - Kairo od 20-22 marta 2019. godine

FIPA AKTIVNOSTI ≡



FIPA NA KONFERENCIJI
RENEXPO



DELEGACIJA PRIVREDNIKA IZ
ITALIJE POSJETILA FIPA-U ≡



Hydro Power Plants Incentives System

The quotas of electricity produced from hydro power plants that will be stimulated in the period 2014-2020 are determined by Entities and National Action Plans in amounts :
50 MW in Federation of BiH and 112 MW in Republic of Srpska

Amounts of Guaranteed feed-in prices for electricity generated in HPP:

Federation of BiH

POWER PLANTS	POWER	REFERENCE PRICE (DP)	TARIFF COEFFICIENT (C)	GUARANTEED PRICE (DP)
HR	40	0.1700	1.7500	0.297500
HR	20	0.2000	1.7500	0.350000
HR	100	0.2000	1.7500	0.350000
HR	1,000	0.2000	1.7500	0.350000
HR	10,000	0.2000	1.7500	0.350000

RECO Decision of the Federal Government on the approval of the Guaranteed purchase prices of electricity from power plants using RES and DE (Official Gazette Federation of BiH No 80/13)

Republic of Srpska

POWER PLANTS	SALES IN THE OBLIGATORY PURCHASE AT GUARANTEED PRICES			SALES ON THE MARKETS AND CONSUMPTION FOR OWN NEEDS	
	GUARANTEED FEED-IN PRICE	Reference price	Premium (Guaranteed price)	Reference price	Premium
Small hydropower plants	0.2712	0.2000	0.0712	0.2000	0.0712
Small hydropower plants	0.2627	0.2000	0.0627	0.2000	0.0627
Small hydropower plants	0.2000	0.2000	0.0000	0.2000	0.0000

RECO Decision of Government of Republic of Srpska on the level of guaranteed subscription prices and premiums for electricity generated from renewable energy sources on its official generation facilities (Official Gazette of Republic of Srpska 10/13)

REECO®

Renewable Energy
Exhibition and Conference Group

FIPA NA KONFERENCIJI RENEXPO



Predstavnici Agencije za unapređenje stranih investicija BiH, na čelu s direktorom Gordanom Milinićem, učestvovali su na 5. Međunarodnom sajmu i konferencijama RENEXPO BiH 2018.

Predstavnik FIPA-e za regiju Hercegovine Amir Kazić učestvovao je na konferenciji pod nazivom "Fotonapon i solarna energija u BiH", te održao prezentaciju "Fotonaponske elektrane u BiH – Potencijali - Mogućnosti za ulaganja -Izazovi".

Također, je učestvovao na panelima posvećenim ulaganjima u hidroenergiju s osvrtom na hidroenergetske potencijale BiH i investicione mogućnosti, zelenu energiju, te vjetroenergiju u BiH.

Na pomenutim konferencijama, te panel diskusijama otvorene su aktuelne teme o poticajnim dinamičkim kvotama, integraciji hidro, vjetro i solarnih elektrana u prenosnu mrežu BiH i preprekama i ograničenjima u implementaciji investicionih projekata, potkrijepljenih konkretnim iskustvima stranih investitora - vlasnika projekata i FIPA-e.

Značajan doprinos u raspravama su dali vlasnici projekata elektrana u izgradnji, proizvođači opreme za hidro i vjetroelektane i predstavnici institucija BiH nadležnih za elektro-energetski sektor.

Uspostavljeni su kontakti s investitorima u oblasti energetike iz Austrije, Rumunije, Srbije i Švedske.



DELEGACIJA PRIVREDNIKA IZ ITALIJE POSJETILA FIPA-U



Pomoćnik direktora Agencije za unapređnje stranih investicija BiH (FIPA) Slavica Korica sa suradnicima primila je delegaciju italijanskih privrednika, koju je predvodio Pasquale Bauleo, predsjednik Uprave kompanije Consorzio Technology 2000. Nevedena firma osnovana je 1994. godine, posluje u cijelom svijetu, i pored Italije, ima urede u Francuskoj, Norveškoj i Grčkoj.

U delegaciji je bio i Alfonso Gallo, direktor kompanije Geko, koja je najveći proizvođač električne energije u Italiji s godišnjom proizvodnjom od 7.000 MW.

Posjeta delegacije je organizirana s ciljem upoznavanja s mogućnostima za ulaganje u BiH, s osvrtom na projekte in energetike, posebno obnovljive izvore energije, te projekte putne infrastrukture.

Investitori su upoznati o aktivnostima koje FIPA pruža stranim investitorima u BiH, stranim kompanijama koje posluje u BiH, statusu stranih investitora, te sektorima za ulaganje.

Istaknuto je da se Italija nalazi na 8. poziciji na listi zemalja stranih investitora s investiranih 308 miliona eura do sada. Najznačajnije italijanske firme u BiH su : Dubicotton Kozarska Dubica, Sportek Kotor Varoš, RS Invest Plus Banja Luka, Olip-Bosna Travnik, itd. Proizvodno su orjentirane kompanije, posebno u sektoru tekstila i proizvodnje obuće, te drvnog sektora i metalo-prerade.



NJEMAČKA NA 7 POZICIJI PO INVESTICIJAMA U BiH



Gordan Milinić, direktor Agencije za unapređenje stranih investicija BiH (FIPA), razgovarao je s novoimenovanim generalnim konzulom BiH u Štuttgartu Beganom Muhićem o mogućnostima zajedničke suradnje na unapređenju ekonomskih odnosa između BiH i Njemačke na polju investicija i izvoza. G. Milinić je upoznao bh. diplomatu o aktivnostima FIPA-e na polju privlačenja stranih investicija, promociji bh. potencijala za investiranje, kao i trendovima priliva stranih ulaganja u BiH, s fokusom na njemačke investicije realizirane do sada u našoj zemlji.

Govoreći o stranim investicijama istakao je da se Njemačka s investiranih 614 milion KM nalazi na sedmoj poziciji, na listi zemalja najznačajnijih investitora u BiH. Prema podacima Centralne banke BiH, učešće investicija iz Njemačke iznosi 4,6%, u ukupnom stanju direktnih stranih ulaganja u BiH. Prema istraživanjima Predstavništva njemačke privrede u BiH (AHK) u BiH posluje 250 njemačkih firmi i zapošljavaju oko 6.000 radnika. Među najznačajnijim investitorima iz Njemačke su: Haidelberger Zement AG – Tvornica cementa d.d. Kakanj; Messer Gresheim Haft. – Messer postrojenja u Sarajevu, Mostaru i Zenici, Xella International – Xella BH d.o.o. Tuzla, proizvodnja građevinskog materijala, itd.

S obzirom da se Štuttgart nalazi u pokrajini Baden-Wurttenbeg koja je sjedište automobilske industrije i koja je također poznata po velikom broju preduzeća iz mašinske industrije, od bh. diplomate se očekuje da radi na nastavku proširenja postojeće ekonomske suradnje između BiH i ove pokrajine, kao i na dodatnom produblivanju ekonomskih veza, kao i promociji bh. potencijala putem organiziranja privrednih susreta, učešćem na sajmovima i privrednim skupovima s ciljem predstavljanja mogućnosti za ulaganje u BiH. Bh. preduzeća već dugi niz godina imaju odličnu suradnju s njemačkim firmama iz Baden-Wurttenberga i veoma je važno osigurati nastavak uspješne suradnje.



NOVOIMENOVANI AMBASADOR BIH U DANSKOJ POSJETIO FIPA-U



Gordan Milinić, direktor Agencije za unapređenje stranih investicija BiH (FIPA), razgovarao je s novoimenovanim ambasadorom BiH u Danskoj Emirom Poljo o investicijama i trendovima vanjsko-trgovinske razmjene između dvije zemlje.

Na sastanku je istaknuto da FIPA koordinira aktivnosti na polju promocije zemlje i njenih investicionih potencijala, skupa s nadležnim ministarstvima i privrednim komorama, te da je zajednički cilj i opredjeljenje privlačenje novih investicija u BiH i otvaranje novih radnih mjesta.

Ambasador je upoznat s bazom investicionih projekata kojom raspolaže FIPA, uključujući i investicione lokacije, te povećanjem stranih ulaganja u 2017. godini, kada je zabilježeno 777 miliona KM investicija u BiH. Ambasador će u narednim mjesecima organizirati sastanke s privrednim komorama i udruženjima privrednika u Danskoj. Informišući ih o prednostima za ulaganje u BiH, te najznačajnijim sektorima za potencijalne investicije, nastojat će zainteresirati danske investitore za ulaganje u Bosnu i Hercegovinu.



INTENZIVIRATI INVESTICIJE PREKO POČASNIH KONZULA



U okviru priprema za diplomatsku misiju, novoimenovani ambasador BiH u Indiji Muhamed Čengić posjetio je Agenciju za unapređenje stranih investicija BiH (FIPA) kako bi se detaljnije upoznao s dosadašnjom ekonomskom suradnjom između dvije zemlje.

Na sastanku je istaknuto da su ukupne investicije iz Republike Indije u BiH skromne, da iznose 1.7 miliona KM i da su realizirane uglavnom u proizvodnji i trgovini.

FIPA je tokom 2017 i 2018 imala nekoliko sastanaka s privrednicima iz Indije koji su iskazali interes za otvaranje Fakulteta informacionih tehnologija u BiH, te ulaganje u zdravstveni, spa sektor, poljoprivredu i drvni sektor BiH. Nakon FIPA-e, razgovori su nastavljeni i s ostalim nadležnim institucijama za navedene sektore. Direktor FIPA-e Gordan Milinić je na sastanku, pored pruženih osnovnih informacija o nadležnostima i aktivnostima Agencije, istakao značaj stranih ulaganja za ekonomski razvoj BiH. Pozvao je ambasadora Čengića da se aktivnije angažira na uspostavljanju kontakata s regionalnim privrednim komorama Indije, kao i počasnim konzulima BiH u Indiji koji su poznati privrednici i aktivno rade na promociji BiH.

Pored toga, potrebno je razmotriti mogućnosti organiziranja privrednog skupa ukoliko se ukaže prilika na kojem bi FIPA predstavila mogućnosti za ulaganja u BiH.



FIPA NA KONFERENCIJI “KONKURENTNOSTI REGIONALNOG TRŽIŠTA, ZNAČAJ STATISTIKE I INOVACIJA”



Sekretar Agencije za unapređenje stranih investicija BiH (FIPA) dr.sc. Maida Bećirović učestvovala je na međunarodnoj konferenciji “Konkurentnost regionalnog tržišta, značaj statistike i inovacija” koja je održana 8. oktobra 2018. godine u Sarajevu u organizaciji TIS-a, regionalnog foruma za tržište, investicije i statistiku. Učestvujući na panelu posvećenom tržištu i investicijama, govorila je o prilivu stranih ulaganja u BiH, te značaju stranih ulaganja za ekonomski napredak u zemlji.

Regionalni forum za tržište, investicije i statistiku podržava i afirmiše suradnju vladinih institucija, akademske zajednice, međunarodnih organizacija, poslovnog sektora i nevladinih organizacija u cilju planiranja i suradnje u realizaciji regionalnih projekata u oblastima razvoja tržišta kapitala, rada, roba i usluga, razvoja zvanične statistike, promocije o mogućnostima regije za investicije i istraživanja i razvoja u oblastima informacione tehnologije, komunikacija, efikasnog upravljanja i korištenja ekonomsko-socijalnih potencijala.

Partneri i saradnici u organizaciji konferencije su:

Savez za podršku ekonomskog i socijalnog razvoja Horizont 2024, Agencija za statistiku BiH, Vanjskotrgovinska komora BiH, Agencija za rad i zapošljavanje BiH, Ministarstvo civilnih poslova Bosne i Hercegovine, Sarajevska berza-burza (SASE), Republički zavod za statistiku Srbije, Državni zavod za statistiku Hrvatske, Udruženje poslodavaca trgovine i poduzetnika Slovenije (ZDOPS-GIZ), QSS d.o.o. Sarajevo, IN2 Data d.o.o. Hrvatska, Zavod za statistiku Crne Gore, Europski pokret Srbija, Privredna komora Srbije, Poslovne novine d.o.o Sarajevo, Agencija za unapređenje stranih investicija BiH – FIPA, Vijeće stranih investitora BiH, Istraživački centar Slovenske akademije nauka i umjetnosti, Best Solutions d.o.o. Sarajevo, Zavod za statistiku FBIH, Ekonomski fakultet Sarajevo, Sveučilište Algebra, Grad Sarajevo, Papilot International d.o.o. Ljubljana, Centar za podršku demokratije i ekonomskog razvoja (UCDER), Agencija za državnu službu BiH, kao i drugi učesnici iz Bosne i Hercegovine i regije.



NOVOIMENOVANI AMBASADOR KATARA U BIH POSJETIO FIPA-U



Novoimenovani ambasador Katara u BiH Nj.E. Sultan Al-Khater posjetio je Agenciju za unapređenje stranih investicija BiH (FIPA) kako bi se upoznao s radom Agencije, te ekonomskom suradnjom između dvije zemlje na polju investicija i trgovinske razmjene.

Direktor Gordan Milinić upoznao je ambasadora s nadležnostima FIPA-e, aktivnostima na polju promocije zemlje, suradnji sa stranim investitorima, te ekonomskom suradnjom između dvije zemlje i katarskim investicijama u BiH.

Ukupna direktna strana ulaganja iz Katara u BiH, zaključno s 31. decembrom 2017. godine, prema podacima Centralne banke BiH, iznosila su 144.1 milion KM, što predstavlja 1.1% ukupnih ulaganja u BiH. Dat je prikaz realiziranih investicija iz Katara, te je istaknuto kako je najuspješniji projekat otvaranje regionalne televizijske kuće Al Jazeera Balkans. Ostale investicije su realizirane uglavnom u sektoru nekretnina i proizvodnje.

Ambasador je upoznat s investicionim projektima i lokacijama iz baze projekata FIPA-e, podršci koju Agencija pruža investitorima u BiH od registracije firme do okončanja projekta. Razgovarano je i o 18. Doha Forumu koji se održava u decembru 2018 i okuplja veliki broj investitora, i predstavlja platformu za uspostavljanje kontakata s liderima, investitorima i donosiocima odluka iz cijelog svijeta.

Ambasador Al-Khater je pozvao g. Milinića da posjeti Katar i uručio mu poziv zamjenika premijera i ministra vanjskih poslova Katara Mohammeda Bin Abdulrahmana Al-Thanija da učestvuje u radu Doha Forumu.



FIPA UČESTVOVALA NA SASTANKU KOPREDSJEDAVAJUĆIH ZAJEDNIČKE KOMISIJE



Ministarstvo vanjske trgovine i ekonomskih odnosa BiH organiziralo je 5. sastanak Zajedničkog komiteta za ekonomiju i trgovinu Narodne Republike Kine i Bosne i Hercegovine. Glavne teme razgovora bile su trgovinska i ekonomske suradnja dvije zemlje, u okviru sporazuma „16+1“, inicijativa „Jedan pojas, jedan put“, kineska ulaganja u BiH i veliki projekti u energetici i putnoj infrastrukturi, te značajni napreci u turizmu.

Predstavnik FIPA-e Nina Pobrić je na sastanku informirala prisutne o realiziranim i najavljenim investicijama iz Kine, učešću na investicionim forumima organiziranim u okviru sporazuma „16+1“, te prijedlozima za unapređenje suradnje u ovom segmentu.

Na sastanku je potpisana i Zajednička izjava u kojoj je između ostalog konstatirano da ovaj kao i drugi sastanci na visokom nivou doprinose jačanju prijateljskih odnosa između Bosne i Hercegovine i Narodne Republike Kine i pružaju dodatni poticaj njihovom budućem razvoju.

Delegaciju Bosne i Hercegovine predvodio je zamjenik ministar vanjske trgovine i ekonomskih odnosa Bosne i Hercegovine Mato Franjičević, a delegaciju Narodne Republike Kine predvodio je kineski predstavnik za međunarodnu trgovinu i zamjenik ministra trgovine Narodne Republike Kine Fu Ziying.

FIPA POSLOVNE VIJESTI ≡



NOVE INVESTICIJE U ŽIVINICAMA



TELEPERFORMANCE OTVARA RADNA MJESTA





NOVE INVESTICIJE U ŽIVINICAMA



U novootvorenoj poslovnoj zoni Čiljuge II u Živinicama do kraja tekuće godine s radom će početi dvije strane firme, kompanija Elsta Mosdorfer Bosnia iz Austrije i još jedna iz Njemačke, a čija je ukupna vrijednost ulaganja do sada bila oko 20 miliona KM.

S početkom rada ovih kompanija biće zaposleno oko 400 radnika, dok se prema najavama predstavnika firmi planira i povećanje broja zaposlenih u skladu s rastom proizvodnje, s obzirom na to da ove kompanije imaju osigurana tržišta za svoje proizvode.



TELEPERFORMANCE OTVARA RADNA MJESTA



Kompanija Teleperformance, koja pruža podršku klijentima iz različitih privrednih sektora putem više kanala, otvorio je svoj ured u Sarajevu, a prva postavka od 25 zaposlenih kandidata već je počela sa stručnom obukom.

Planiraju zaposliti 100 osoba do kraja 2018. godine, te 400 do kraja 2019.
Ako bude interesovanja, do 2020, mogli bi zaposliti od 800 do 1.000 osoba.



WATREX EXPO – 4. MEĐUNARODNA KONFERENCIJA I SAJAM TEHNOLOGIJA ZA PRERADU VODE - KAIRO OD 20-22 MARTA 2019.GODINE



ATF – „Al Awael International Trade Fairs“ – vas poziva da učestvujete na 4. Međunarodnoj konferenciji i sajmu tehnologija za preradu vode koja se održava od 20-22.marta 2019. godine u Kairu.

ATF - Al Awael za međunarodne sajmove trgovine - je kompanija zadužena za organiziranje međunarodnih sajmova. Cilj im je da postanu vodeća i jedinstvena kompanija u svijetu iz oblasti organizacije sajmova i izložbi, a dizajnirani su kao idealna platforma za strane, regionalne i lokalne kompanije koje žele pokrenuti ili unaprijediti poslovanje na Bliskom istoku.

Sajam predstavlja najjedinstveniji događaj u Egiptu, Africi i Bliskom istoku prikazujući najnovije tehnologije u sektoru vodoprivrede. Zainteresirane strane širom svijeta koje žele dijeliti svoje poslovne mogućnosti, istraživati inovativna vodna rješenja i širiti mrežu dobavljača su dobile idealnu priliku povezivanja s dinamičnim ekosistemom egipatske vodoprivrede.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Dubrovačka 6.
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54.
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars. The text is centered over the map.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA